

# Eisteddfod Gadeiriol Llanuwchllyn

Ysgrifennydd: Alwyn M. Roberts, Weirglodd Wen, Llanuwchllyn, Y Bala, Gwynedd. LL23 7ST.

☎ 07818 454190 neu 01678 540745

llungwyn@btinternet.com

---

Mawrth 2021

## 'Llanuwchllyn dan glo'

Gyda chyfyngiadau cyfredol y pandemig Covid-19, mae'r Pwyllgor wedi dod i'r penderfyniad anorfod i ohirio'r Eisteddfod am flwyddyn bellach, sydd yn siom mawr i ni gyd.

Gan fod hyn yn ein hamddifadu o flwyddyn arall o fwynhau doniau lleol yn cystadlu a pherfformio, mae'r Pwyllgor yn awyddus i goffáu'r cyfnod clo, trwy redeg eisteddfod rithiol i roi cyfle i drigolion Llanuwchllyn fwrw trem greadigol yn ôl, neu edrych tuag at y dyfodol boed hynny ar ffurf ysgrifenedig, celfyddyd weledol, ar lafar, dawns neu ar gân.

**Ni fydd elfen gystadleuol i'r eisteddfod** na beirniadaeth na gwobrau, ond ein bwriad yw coladu'r cynnyrch ddaw i law a'i gyhoeddi mewn aml gyfrwng gan gynnwys cyfrol brint o bosib, ynghyd â chyfryngau digidol yn ystod dyddiad arferol yr Eisteddfod ddiwedd Mai.

**Estynnir gwahoddiad i bawb o'r ardal a hefyd rhai sydd â chysylltiad â Llanuwchllyn (boed wedi byw neu weithio yma)** i gyfranogi trwy fynegiant gwreiddiol neu ffuglennol yn y meysydd canlynol:

**Barddoniaeth neu Ryddiaith** e.e. cerddi caeth neu rydd, monologau, teyrngedau, storïau, hanesion, dyddiaduron ayb;

**Arlunio, Crefft neu Ffotograffiaeth;**

**Cerdd, Cerdd Dant neu Adrodd** – Lleisiol a / neu offerynnol.

**Dawns neu Actio**

Er mai cofnodi'r cyfnod clo eithriadol yma yw'r bwriad, cael cyfle i ddarllen, gweld a mwynhau doniau lleol yw'r nod mewn gwirionedd, felly fe all y cynnyrch / perfformiadau fod yn unrhyw beth y dymunwch! Os oes rhai am gystadlu yn Eisteddfod T eleni, ella y byddwch yn barod i rannu eich ymgais gyda ni hefyd?

Fe rennir y cynnyrch (boed yn waith unigol neu gywaith) i gategorïau cynradd, uwchradd ac oedolion gyda'r gobaith o fedru cyhoeddi cymaint â phosibl os yn ymarferol i wneud hynny. Gorau oll os ellwch anfon clip fideo o'ch perfformiad neu ddatganiad neu efallai y byddwn am eich gwahodd i wneud hynny wedi'r dyddiad cau, neu wahodd rhywun i wneud ar eich rhan.

### Amodau:

- Cyfyngir i rai gyda chyswllt (fel y diffinnir uchod) ag ardal Llanuwchllyn a disgyblion Ysgol O M Edwards;
- Dylid cyfyngu unrhyw glipiau fideo ar ffurf mp4 i ddim hwy na 3 munud o hyd ac unrhyw waith ysgrifenedig i 500 o eiriau;
- Rhoddir yr hawl i Bwyllgor yr Eisteddfod ddedhol, golygu a chyhoeddi'r cynnyrch a gyflwynir yma bynnag gyfrwng y pennir fwyaf addas;
- Dyddiad cau derbyn cynnyrch: 1 Mai 2021.

### Dychweler at:

Post neu trwy law: Ysgrifennydd yr Eisteddfod (gweler y cyfeiriad uchod);

E-bost: [llungwyn@btinternet.com](mailto:llungwyn@btinternet.com);

Neges destun 07818 454190 neu neges Messenger neu WhatsApp.

Edrychwn ymlaen at dderbyn eich cynnyrch